

Date – 28/06/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Mizoram Polytechnic Lunglei Building chu a luahman pek theih loh avangin a tum hnih nan court thuchhuak angin kalh leh a ni.
2. Home Minister Pu K.Sapdanga'n Mizoram Police a hna thawk thei lote chu voluntary retirement emaw special retirement scheme emaw hmanga chawl turin a chah.
3. Directorate of Revenue Intelligence-te chuan Mumbai-ah Pakistan atanga lakluh bungrua metric tonn 1115 a rit an man.
4. US President Donald Trump-an Iran a United States-in bomb a thlak leh Hiroshima leh Nagasaki-a atom bomb an lo thlak tawh a tehkhin chuan Japan-a ti lungawi lo hle.

<><><>

LUNGLEI POLYTECHNIC

Mizorama Diploma Engineer zir theihna hmasak ber Mizoram Polytechnic Lunglei Building chu a tum hnih nan court thuchhuak angin kalh leh a ni,

Lunglei Dist Civil Judge Pi Lalthansiami Hnamte chuan building kalhna tur thupek hi a chhuah hnuah nimin khan Lunglei Police ten Main building, Science Block, Seminar Hall & Library, Fitting & Pumbling shop, Workshop, Farm House leh Store Room te an kalh a ni.

Kan corr sawi danin Polytechnic ah hian zirna kalpui a la ni rih lova, thla thar ni 9 a kai tan tur an ni a, Polytechnic staff te hian Principal Room-ah meeting neiin Building kalh tur hi hriattirna an dawn thu leh harsatna hi chinfel theih nise an duhthu an sawi a, Police ten Building an kalh lai hian harsatna engmah a thleng lo a ni.

Mizoram Polytechnic Lunglei hi hun rei tawh tak atanga an ram neitu Pu Vanlaldawngliana Theiriat hnena luahman pek a nih loh avangin court ah a khing a, nikum Nov 7 khan court chuan Mizoram Polytechnic building zawng zawng khar sak turin thupêk a lo chhuah tawh a ni. Khami tuma kalh a nih loh chhan chu zirlai ten exam an hmachhawn avang leh court sang zawk Supreme Court-a thlen tum a nih thu dawn vang a ni a, tunah hian huntiam chung ni 90 hnuah pawh sorkarin ram hawh man a pek theih loh vang leh Court sang zawk atanga thu engmah an hmuh loh avangin kalh sak an ni leh ta a ni.

Mizoram Polytechnic Building luahman sorkarin a bat hi cheng Nuai 88 sing 1 & 3,268 a chhut a ni.

<><><>

CM :

Chief Minister Pu Lalduhoma'n Mizoram in Corporate Social Responsibility hmang thei Registered Agency a ngah loh avangin tun thlengin Mizoram chu India rama CSR fund dawng tlem ber state a ni mek a ti.

Nimina Mizoram CSR Cell leh Confederation of Indian Industry (CII) te tangkawpin ni thum chung awh Capacity Building Workshop for an buatsaih kharna hun a hmanpuinaah he thu hi sawiin Chief Minister India ramah CSR fund tam tak hai luh tur a awm a ti a, CSR fund chu a kum telin a pung tual tual a, Fund hmang tangkai tur hian kalphung fel tak a awm a, Mizoramah chuan Dan ang thlapa CSR fund dil thei leh hmang thei pali/panga vel an awm tawh a, hna an thawk nasain an tangkai hle a ti a. CSR hnuaiah thilpek tesepe mai ni lovin sum hlawm lian tak tak hmanga ram tana chhenfakawm tham kalpui theih a ni tih sawiin, chutianga ti thei, NGO, Society leh Agency Mizoramin a ngah phawt chuan an hai lut thei tawh dawn tih a sawi a ni.

Byte : Chief Minister

Chief Minister chuan CSR lama Mizoram hnufualna tihreh dan dap thaa a hriat avangin Chief Minister Office-ah CSR Cell an din a, chairman-ah Adviser to CM, Pu TBC Lalvenchunga an ruat a, a tir phat atangin hma an la tha nghal hle a ti.

<><><>

MUHCS

Health Minister Pi Lalrinpui'n damdawiina mahni sum seng lova in enkawl theihna sawrkar ruahman Mipui Healthcare ah inziah luh hun chung June thla ral hmaa inziak lut theuh turin mipuite a sawm.

Health Miniter chuan a thuchah ah Mizoram Universal HealthCare Scheme hnuaia inziah luh an hawn hun June thla a tawp hnaih avangin mipuite inziak lut turin a sawm a, AB-PMJAY chhungkaw nuai 2 chuang, sawrkar hnathawk chhungkaw sing 5 chuang leh pensioner chhungkaw sang 3 bakah mipui nawlpui chhungkaw sang 5 chuangin Healthcare an zawm tawh a ti a, tupawh damloh mangan tawk thei vek anni tih sawiin sawrkar ruahman Mipui Healthcare-a inziah luh chu a pawimawh takzet tih sawiin mipuiten mahni awmna hnai Sub-Centre emaw online hmangin inziah luh tur ani tih a sawi.

MUHCS hotute sawi danin nimin thleng khan Mizoram chhunga Private damdawiin 13 ten Mizoram Universal Health Care Scheme an zawm tawh a, hei hi za zela 40.62 niin a bak private damdawiin dang nen hian inbiakna kalpui mek a, June ni 25 khan Sawrkar hotute leh Non Govt Hospital Association of Mizoram chu Mizoram Health Care Scheme chungchangah an inbia a, he inbiakna ah hian NGHAM hnuaia private hospital ten MUHCS

chungchangah sawrkara rawtna an neihte leh an duhte ziakin thlen se tih a ni a, inbiakna kawnga a awm theih nan inbiak chhunzawm zel ni se tih a ni bawk.

<><><>

MIZORAM POLICE REORGANISATION :

Home Minister Pu K.Sapdanga'n Mizoram Police ten tha zawka hna an thawh theih nan chhan hrang hrang vanga hna thawk thei lote chu voluntary retirement emaw special retirement scheme emaw hmanga chawl turin a chah.

Nimina Aizawla Mizoram Police Headquarters-a Police te hnathawh thlirhona hun a hmanpuinaah he thu hi sawiin Home Minister chuan kum 1 leh a chanve chhung Mizoram Police chhungkuaah a tel ve tawh chhungin Police officer zawng zawngte inpekna leh phurna te a hmu a, hetihlai hian Mizoram Police ten tha zawka hna an thawh theih nan, insiamthatna tur hrang hrang a awm tih sawiin, Police thenkhat accident leh thil dang vanga hnathawk thei lote an awm a, heng mite hi voluntary retirement la turin a chah a, voluntary retirement ti thei lo te chu special retirement scheme zawm ve turin a chah a, tha zawka hnathawh a nih theih nan Gazetted Officer zawng zawngte chuan Zero based posting system an hmang tur a ni a ti.

Home Minister chuan Mizoram Police post sing 1, sang 2, 228 a awm a, chung zinga zaa 61.7 chu hnawhkhah tawh a ni a, post zaa 38.9 a la ruak mek tih a sawi a ni. Tunhnai hian mi 259 an lakluh belh a, training an zawhfel hunah Mizoram Police awm zat chu a pung dawn a ni a ti.

Home Minister chuan sorkar laipuiin Mizoram tan MRHG volunteer post 1, 260 a pe a, tun dinhmunah post 1,168 hnawh khah niin post 92 ruak hnawh khat turin Mizoram sorkar ngen a tul tih a sawi bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PAKISTANI ORIGIN GOODS ARRESTED :

Directorate of Revenue Intelligence-te chuan Mumbai-ah Pakistan atanga lakluh bungrua metric tonn 1115 a rit an man.

Heng an bungraw mante hi Dubai atanga lawng a rawn phurh luh niin UAE atanga bungraw siam ang a tarlan a ni a, hnuchhui tuten uluk taka an endiknaah Pakistan siam ngei a ni tih hmuchhuah a ni ta a ni.

Sorkar laipui chuan Pahalgam-a chhiatna thleng avang khan thla hmasa May ni 2 atang khan Pakistan siam bungrua leh thildang reng reng chu India rama lakluh a lo khap tawh a, hemi bawhzuina atan hian Revenue Intelligence lam chuan thapui thawhin a hmingah “Operation manifest” tih vuah a ni.

<><><>

JAPAN CONDEMNED TRUMP’S SPEECH :

US President Donald Trump-an Iran a United States-in bomb a thlak leh Hiroshima leh Nagasaki-a atom bomb an lo thlak tawh a tehkhin chuan Japan-a ti lungawi lo hle.

Nagasaki Mayor Shiro Suzuki chuan US President-in tun hnaia Iran an beihna chungchanga Japan-a atom bomb-an thlak a rawn sawi chhuak leh chuan Japanese mipui tamtak te an rilru a tihnat thu a sawi a, Donald trump-a thusawi duhlohna lantir nan Hiroshima-ah nimin khan mi tamtak an pungkhawm a ni.

<><><>

EXTERNAL AFFAIRS MINISTER :

Iran-a remna leh muanna tluantling a lo awmzel theihna atan External Affairs Minister Dr. S Jaishankar leh Iran Foreign Minister Seyed Abbas Araghchi te chu an inbia.

Ministry of External Affairs thuchhuakin a tarlan danin ram pahnih minister-te hian Iran boruak tawn mek chu uluk takin an sawi dun a, External Affairs Minister chuan Iran Foreign Minister chu Iran-a India khua leh tui te sorkar laipuiin a lakchhuah kawngah Iran sorkar thlawpna an dawn avangin lawmthu a hrilh bawk.

<><><>

MANN KI BAAT :

Prime Minister Narendra Modi an tun Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, tum 123-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>